

# INUIT ATAQATIGIIT

## INATSISARTUNI



29. oktober 2013

Matumuuna Inatsisartut suleriaasianni § 37 naapertorlugu Naalackersuisunut apeqquteqaat ingerlatippara.

**Nanoq Beer Greenland aps Narsami immiorfittut matuneranut patsisaasut suunersut Naalackersuisut nassuiarsinnaavaat?**

**Immiorfik akiliisinnaajunnaarsimappat imaluunniit allamik patsiseqartumik matusimappat inuiaqatigiit aningaasaataannik annaasaqarneq pillugu akisussaaffik sumi inissisimava? Ulluinnarni ingerlatsinikkut akisussaasoq sumi inissisimava?**

**Nanoq Beer Greenland aps akiliisinnaajunnaariartortoq imaluunniit allamik patsiseqartumik matusussanngorsimappat, tamanna naalackersuisunit ilisimaneqarsimava?**

**Nanoq Beer Greenland aps-ip matunera pillugu naalackersuisut suliniutinik arlaannik aallartitsisimappat? Taamaassimappat suut suliniutaappat?**

**Nanoq Beer Greenland aps inuiaqatigiit aningaasaataannik aningaasaliiffigineqarmat arlaatigut piumasaqaateqartoqarsimanerluni qanoq ilisukkut immiorfik akiliisinnaajunnaassagaluarpat, imaluunniit allamik patsiseqartumik matusariaqalissagaluarpat piumasaqaatinik aalajangersimasunik?**

**Taamaassimappat suut piumasaqaataasimappat?**

**Nanoq Beer Greenland aps pillugu Naalackersuisut suliassaq pillugu nutaamik isummerfissaqarsimappat? Taamaappat isummerfissat suusimappat?**  
Inatsisartunut ilaasortaq Aqqaluaq B. Egede, Inuit Ataqatigiit

### **Tunngavilersuut**

Immiorfiup pisama akiliisinnaajunnaarnerata kingorna, inuiaqatigiit aningaasaataasa atorneqareernerisa nassatarisaat pillugit Naalackersuisut suliniutinik, aammalu sammisaq pillugu qanoq suliassamik ingerlatsinersut paaserusunnarpoq. Tunngavilersuummili ilanngullugu tikkuarumavara, qulaani apeqqutit pisakka tunngavigalugit apeqqutit akineqarnissaat pingaartillugu Naalackersuisunut ingerlatitsigama.

Allatut oqaatigalugu, Naalackersuisut suliassap matuma qanoq isumaqarfigineraat aammalu suliap naalackersuinikkut isummerfissartaqarsimappat qanoq suliap sammineqarsimanera paaserusukkakku. Taamatut tunngavilersuuteqarlunga apeqqutit Naalackersuisunut ingerlatippakka.

Akissuteqaat ullut suliffiusut qulit qaangiutsinnagit Inatsisartunut annguteqquneqarpoq.